



AIR LINE TOURS D.O.O.
ZA AVIO USLUGE I TURIZAM/SARAJEVO
ALIJE ISAKOVICA 1 / SARAJEVO / BIH
Tel/fax: +387 33 550-380, 550-381, +387 61 106-531;
PDV Br. : 20091789009 ; ID Br. : 4200917890009
E-mail: airline@bih.net.ba ; airlinetours@bih.net.ba



SICILIJANSKA ODISEJA: RASKRSNICA CIVILIZACIJA

**PALERMO – MONREALE – CORLEONE – MARSALA – ERICE – SEGESTA – AGRIGENTO – PIAZZA
ARMERINA – TAORMINA – ETNA – SIRAKUZA – NOTO – MODICA – CATANIA**

21.10. – 28.10. 8 DANA / 7 NOĆENJA KRUŽNA TURA

Otkrijte ostrvo oko kojeg su se



otimali carevi, kraljevi i bogovi.



“...Od uličnog šarma Palerma i mističnog

Ericea, preko zlatnog baroka Sirakuze, Noto i Modice, pa sve do vinske Marsale, moćne Etne i glamurozne Taormine.
Proputujte cijeli otok kontrasta, historije i vrhunskih okusa u jednoj neponovljivoj ruti...”

CIJENA ARANŽMANA: 1.899 KM

Cijena aranžmana uključuje:

- Povratna avio karta Turkish Airlines Sarajevo – Istanbul – Palermo // Catania – Istanbul – Sarajevo
- Dozvoljena prtljaga 30kg predani prtljag + 8kg ručni prtljag po osobi
- Transfer aerodrom Palermo – hotel / hotel – aerodrom Catania
- Smještaj u hotelima sa 3* na bazi noćenja sa doručkom / 3 noćenja Palermo; 4 noćenja Taormina
- Vožnja autobusom visoke turističke klase tokom čitavog putovanja
- Organizacija putovanja
- Pratilac grupe

Cijena aranžmana ne uključuje:

- Aerodromske takse 350 KM
- Doplata za jednokrevetnu sobu 450 KM
- Doplata za večere 280 KM
- Fakultativni izleti:
- Palermo – Monreale - Corleone
- Marsala – Segesta – Erice
- Etna – Taormina
- Godfather / Kum tura
- Gradska taksa (plaća se na licu mjesta) cca 5 EUR po osobi / noćenju
- Putno zdravstveno osiguranje za osobe do 60 godina: 16 KM; od 60 – 70 god 32 KM ; od 70 – 80 god 45 KM
- Osiguranje od otkaza 50 KM (uz obaveznu polisu putnog zdravstvenog osiguranja) osigurana suma 1.899 KM
- Napojnice za vođača i vozača 40 KM (plaća se u agenciji)
- Fakultativni izleti prema programu (rezervacija i plaćanje u agenciji)
- Individualni troškovi



Obavezna doplata

Palermo – Agrigento – Piazza Armerina – Giardini Naxos	101 KM
Siracusa – Noto – Modica	80 KM
(autobus – vodič – ulaznice)	



PROGRAM PUTOVANJA:

1. Dan (21.10.) Srijeda SARAJEVO – ISTANBUL - PALERMO

Okupljanje na aerodromu 2h prije leta. Obavljanje check in-a i pasoške kontrole. Let za Istanbul u 09:10h. Nastavak leta za Palermo u 16:55h. Slijetanje predviđeno u 18:35h. Transfer do hotela. **Noćenje.**

2. Dan (22.10.) Četvrtak PALERMO – MONREALE – CORLEONE

Doručak u hotelu. Započinjemo jutarnju turu **Palerma (fakultativni izlet)**
Palatinska Kapela - kapela u potpunosti obložena čistim, 24-karatnim

zlatnim mozaicima koji svjetlucaju na svakom koraku. Smatra se jednim od najfascinantnijih svjetskih čuda arhitekture. Ovaj prostor je dokaz da su na Siciliji različite kulture i religije radile ruku pod ruku kako bi stvorile neviđenu ljepotu. Posjetu nastavljamo ka **Katedrali Palerma** koja je građena, rušena i nadograđivana kroz više od 800 godina, ova katedrala je preživjela sve: bila je ranohrišćanska bazilika, pa velika arapska džamija, da bi je normanski kraljevi pretvorili u hrišćanski hram. Na njenoj fasadi možete čitati historiju Sicilije kao iz udžbenika, jer savršeno spaja arapske lukove, normanske kule, gotičke ukrase i baroknu kupolu. Razgledanje nastavljamo u **Quattro Canti** to je spektakularni trg i samo srce Palerma, poznat i kao **"Teatar Sunca"** jer je zbog jedinstvenog kružnog oblika jedna uvijek obasjana suncem. Stojeći u samom središtu ovog jedinstvenog trga, imat ćete osjećaj da se nalazite u predivnom pozorištu pod vedrim nebom. Savršeno je mjesto za početak istraživanja grada, upijanje sicilijanske atmosfere i stvaranje nezaboravnih fotografija. Dalje idemo u obilazak grada **Monreale** gdje ćemo posjetiti katedralu koja je jedna od najljepših primjera normanske arhitekture. Nakon obilaska slobodno vrijeme, u dogovoru sa grupom možemo posjetiti unutrašnjost samostana. Popodne nastavljamo vožnju do **Corleone** gdje ćemo posjetiti i **Laboratorij legaliteta - antimafijaški muzej i edukacijski centar u Corleoneu**. Posvećen je legendarnom sucu **Paolu Borsellinu** i njegovoj policijskoj pratnji koji su stradali u borbi protiv organiziranog kriminala. Povratak u hotel. **Noćenje.**



3. Dan (23.10.) Petak

MARSALA – ERICE – SEGESTA

Doručak u hotelu. Početak dana (**fakultativni izlet**) započinjemo posjetom **Marsale**, šarmantni lučki grad na najzapadnijoj tački Sicilije, svijetski poznat po vrhunskom vinu, bogatoj historiji i spektakularnim zalascima sunca. Na samom rubu grada nalaze se prekrasne solane s historijskim vjetrenjačama. To je jedno od najfotogeničnijih mjesta na Siciliji, poznato po predivnim bijelim brdima soli koja pod zalaskom sunca poprimaju ružičaste nijanse. Vožnju nastavljamo do **Erice**, srednjovjekovnom gradu na vrhu **Monte San Giuliano**. Obilazimo eksterijer **Venerinog dvoraca** i **Katedrale**, to je impresivna normanska tvrđava iz 12. vijeka, dramatično smještena na samom rubu izolirane litice u historijskom gradiću Erice, na čak 750 metara nadmorske visine. Preporučujemo degustaciju tipičnih bademovih kolača. Časne sestre u strogo zatvorenim samostanima izmislile su i vijekovima usavršavale recepte za kolače od badema. Kako bi prehranile i uzdržavale svoje samostane, sestre su kroz male rešetke na prozorima prodavale teslastice građanima. Svaki samostan imao je svoju strogo čuvanu tajnu i recept. Nakon razgleda, u dogovoreno vrijeme povratak u **Palermo**. **Noćenje**.



4. Dan (24.10.) Subota

AGRIGENTO – PIAZZA

ARMERINA – TAORMINA

Doručak u hotelu. Dan nastavljamo vožnjom prema **Agrigento-u**, po dolasku posjetit ćemo dolinu hramova. (Juno, Konkordija, Herkul, Kastor i Poluks) - jedan je od najvažnijih arheoloških lokaliteta na svijetu, pod zaštitom **UNESCO-a**. To je fascinantan niz drevnih grčkih hramova koji se protežu duž stjenovitog grebena.



Hram Konkordije (Tempio della Concordia)

Ovo je apsolutna kruna cijelog kompleksa i jedan od najbolje očuvanih grčkih hramova na svijetu. Njegovih 34 veličanstvenih stupova i savršena simetrija ostavit će vas bez daha, a odmah ispred njega nalazi se i poznata, upečatljiva brončana skulptura Palog Ikara.

Hram Juno (Tempio di Giunone)

Smješten na najvišoj točki istočnog dijela brda, ovaj je hram bio posvećen božici braka i poroda.

Hram Herkula / Herakla (Tempio di Ercole)

Ovo je najstariji hram u cijeloj dolini, podignut u čast mitskog heroja kojeg su stanovnici Agrigenta iznimno štovali.

Hram Kastora i Poluksa (Tempio dei Dioscuri)

Ovaj hram posvećen je mitskoj braći blizancima, Zeusovim sinovima. Danas su od njega ostala uspravna samo četiri prepoznatljiva stuba s dijelom krovne konstrukcije. Upravo je taj slikoviti kutak postao službeni vizualni simbol grada Agrigenta i jedno od najfotografiranih mjesta na cijeloj Siciliji zbog svoje čiste umjetničke estetike. Vožnju nastavljamo do **Piazz**



Armerine gdje ćemo posjetiti **Villa Romana del Casale**, raskošna carska palača iz 4. vijeka, poznata po tome što skriva najveću, najbogatiju i najbolje očuvanu kolekciju rimskih mozaika na svijetu. Ovaj lokalitet je pod zaštitom **UNESCO-a** i predstavlja vrhunac antičke luksuzne arhitekture. Vožnju nastavljamo do **Taormine**. Smještaj u hotel. **Noćenje u Taormini**.

5. Dan (25.10.) Nedjelja

ETNA – TAORMINA

Doručak u hotelu. Dan predviđen (**fakultativni izlet**) posjetom **vulkana Etna i Taormine**. Posjećujemo najviši aktivni vulkan u Evropi, gdje ćemo istražiti čuvene krater **Silvestri** i uživati u nevjerovatnim pejzažima stvorenim od vulkanske lave. **Opcionalno**: vožnja džipom i žičarom kao i degustacija lokalnih specijaliteta (uz doplatu). Vožnju nastavljamo posjetom prelijepoj **Taormini**, šarmantnom gradiću na litici, poznatom po luksuznoj atmosferi i bogatoj historiji. Posjetit ćemo **Palazzo Corvaja (Palača Corvaja)** - je jedna od najljepših i najvažnijih srednjovjekovnih palača u Taormini, smještena na samom početku glavne ulice **Corso Umberto**, odmah uz antički rimski forum. Ova palača je savršen arhitektonski svjedok burne istorije Sicilije jer se u njoj spajaju arapski, normanski i gotički stil. Također posjećujemo **grčko-rimski teatar** koji je najpoznatiji simbol Sicilije i jedan od najfascinantnijih antičkih spomenika na svijetu. Proći ćemo i kroz srednjovjekovne ulice i trgovine. Povratak u hotel. **Noćenje**.

6. Dan (26.10.) Ponedjeljak

SIRAKUZA – NOTO – MODICA

Doručak u hotelu. Dan započinjemo vožnjom prema magičnoj **Sirakuzi**, jednom od najmoćnijih gradova antičkog svijeta. Posjetit ćemo fascinantni **Arheološki**

park Neapolis, koji čuva neprocjenjivo historijsko blago. Obići ćemo monumentalni **Grčki teatar** uklesan u stijenu, prostrani **Rimski amfiteatar**, čuvenu akustičnu **pećinu Uho Dionizija** i slikovitu **Pećinu Cordari**. Nakon parka, prelazimo na prelijepi **otok Ortigiju**, historijsko srce **Sirakuze**, prepoznatljivo po uskim uličicama i predivnim trgovima. Putovanje nastavljamo vožnjom prema **Notu**, zvaničnoj "prijestolnici sicilijanskog baroka" pod zaštitom **UNESCO-a**. Potom se vozimo do slikovite **Modice**, grada spektakularne arhitekture i legendarne čokolade. Tamo ćemo posjetiti veličanstvenu **crkvu San Giorgio (Katedralu sv. Đorđa)**, remek-djelo kasnog baroka koje sa svojih 164 stepenika i raskošnom fasadom dominira čitavim gradom. Povratak u hotel. **Noćenje.**



7. Dan (27.10.) Utorak KUM (GODFATHER) TURA

Nakon doručka u hotelu, pred vama je potpuno slobodan dan za odmor ili uzbudljiva prilika da se pridružite kultnom (**fakultativnom izletu**) „**Kum**“ (**Godfather Tour**). Putovanje započinje vožnjom do šarmantnog brdskog sela **Forza D'Agrò**, koje se ponosno uzdiže iznad **Taormine** i nudi nevjerovatan pogled na obalu sa svog panoramskog trga. Šetajući njegovim uskim, kamenim uličicama, otkrit ćete fascinantni luk **Durazzesco** i prelijepu katedralu, mjesto koje je odabrano za snimanje jedne od najromantičnijih scena u historiji kinematografije – vjenčanja **Michaela Corleonea**. Nakon obilaska ovog skrivenog dragulja, avantura se nastavlja prema slavnoj **Savoci**, živopisnom selu u kojem su oživjele neke od najpoznatijih replika i scena iz legendarnog filma **Francisa Forda Coppole**. Ovdje su historijske zgrade i spomenici ostali gotovo netaknuti, uključujući i čuveni **Bar Vitelli**, koji i danas stoji na istom mjestu i nudi autentičan povratak u filmsku prošlost. Povratak u hotel. **Noćenje.**

8. Dan (28.10) Srijeda CATANIA – ISTANBUL – SARAJEVO

Doručak u hotelu . Transfer do aerodroma. Prijava na let TK1394 **Catania – Istanbul**. Planirano vrijeme polijetanja 09:25h. Po slijetanju u **Istanbul** slijedi vezni let TK1025. Slijetanje u **Sarajevo** predviđeno u 19:50h. **Kraj usluge.**